



Merakyatkan
Perkhidmatan Awam

KATA-KATA ALUAN KSN



*Assalamualaikum wbt,
Salam Sejahtera dan Salam 1Malaysia.*

Setiap penjawat awam hari ini berdepan dengan cabaran untuk mencari titik kesimbangan antara membangunkan kapasiti, ilmu pengetahuan, kemahiran dan kompetensi yang baru dengan keadaan yang lama.

Adalah menjadi hasrat kerajaan juga agar segala inisiatif yang telah direncanakan dapat diterjemah oleh setiap penjawat awam dengan berkesan dan disampaikan secara menyeluruh dan efekif kepada rakyat.

Konsep Merakyatkan Perkhidmatan Awam diperkenalkan agar setiap penjawat awam menyedari bahawa kita adalah sebahagian daripada rakyat dan sesungguhnya lebih berupaya memahami kehendak dan aspirasi rakyat. Kesedaran ini perlu disemai dan dipupuk supaya setiap penjawat awam memberikan perkhidmatan yang terbaik sebagaimana kita sondiri inginkan melalui pendekatan enam prinsip. Prinsip-prinsip ini merupakan semboyan utama perkhidmatan awam dalam menjamin serta mengelakkan kesejahteraan dan kemakmuran negara.

Saya berharap panduan yang diberikan akan menjadi keutamaan dalam menjalankan tanggungjawab dan amanah yang diberikan serta dipraktikkan dengan sebaik-baiknya.

TAN SRI DR. ALI HAMSA

**“SAYA MAHUKAN
PERKHIDMATAN
CEMERLANG
DARIPADA ANDA SEMUA;
PERKHIDMATAN CEMERLANG YANG
SAMA YANG ANDA HARAPKAN SEBAGAI
SEORANG RAKYAT MALAYSIA.”**

KANDUNGAN	
Merakyatkan Perkhidmatan Awam	4
Kesejahteraan dan Kecemerlangan	5
6 Prinsip Merakyatkan Perkhidmatan Awam:	8
Keterbukaan • Turun Padang • Musyawarah • Insaniah • Kekitaan • Kerjasama Awam - Swasta • - Badan Bukan Kerajaan (NGO)	10
Perkhidmatan Awam Unggul ke Arah Merealisasikan Wawasan 2020	25
Pelan Tindakan ke Arah "Kecemerlangan & Kesejahteraan"	26

Merakyatkan Perkhidmatan Awam

Merakyatkan Perkhidmatan Awam (MPA) adalah satu konsep yang perlu **dipupuk** oleh **semua penjawat awam** untuk memastikan penyampaian perkhidmatan kerajaan menepati keperluan, kehendak dan aspirasi rakyat.

Kita sebagai penjawat awam **bertanggungjawab memberi perkhidmatan** kepada rakyat dan pada masa yang sama juga, menerima perkhidmatan daripada rakan penjawat awam yang lain.

Kita juga perlu lebih terbuka **tanpa meletakkan sebarang had atau sempadan ruang pemikiran** untuk menilai setiap permasalahan atau cetusan idea yang ingin diketengahkan agar dapat menghasilkan penyampaian perkhidmatan yang lebih baik dan berkualiti.

Penjawat awam juga adalah rakyat.

Dengan pendekatan dan keupayaan yang ditunjukkan oleh penjawat awam ini, ia sudah tentu mampu mempertingkatkan tahap keyakinan rakyat. Dan secara tidak langsung akan menambah baik lagi kelancaran sistem penyampaian kerajaan.

Kesejahteraan dan Kecemerlangan

Kesejahteraan penjawat awam ternyata mempengaruhi semangat, iltizam dan motivasi penjawat awam ke arah peningkatan **produktiviti** dan **kualiti perkhidmatan**.

Penjawat awam yang cemerlang pastinya dapat mengimbangi pembangunan fizikal organisasi dengan **pembangunan insaniah** serta sentiasa mengutamakan kebijakan antara satu sama lain. Prinsip-prinsip ini menandakan pergerakan dalam pemikiran serta falsafah tentang bentuk perkhidmatan yang disediakan kepada rakyat.

Kerangka baru pemikiran perkhidmatan awam ini menjurus kepada bentuk perkhidmatan yang meningkatkan kesejahteraan hidup rakyat.

Justeru, **kerajaan** sentiasa prihatin dan **menitikberatkan kesejahteraan penjawat awam** supaya mereka dapat menumpukan tenaga dan usaha sepenuhnya ke arah menyampaikan perkhidmatan awam yang sentiasa cemerlang.



“Sebagai penjawat awam bukanlah sekadar menjalankan tugas dengan cekap dan amanah, tetapi kita juga perlu melaksanakannya dengan penuh semangat dan dedikasi demi rakyat dan negara.”

6 PRINSIP MERAKYATKAN PERKHIDMATAN AWAM





“Dengan sentiasa melaksanakan kerja dengan baik, integriti penjawat awam juga sentiasa terjaga, yang bermaksud melakukan tugas yang terbaik tanpa mengharapkan balasan.”

"DENGAN **SENTIASA** MELAKSANAKAN KERJA DENGAN BAIK, **INTEGRITI** PENJAWAT AWAM JUGA SENTIASA **TERJAGA**, YANG BERMAKSUD MELAKUKAN TUGAS YANG **TERBAIK** TANPA MENGHARAPKAN BALASAN"

Keterbukaan

MINDA TERBUKA,
MUDAH DIDEKATI

Sikap keterbukaan dan mudah didekati perlu dipupuk agar rakyat berasa selesa untuk berhubung dan berinteraksi dengan penjawat awam.

Penjawat awam seharusnya **menerima idea dan kritikan membina** yang diutarakan rakyat dengan **hati dan minda terbuka** serta membuat penilaian dengan jujur.

Idea dan pandangan boleh diambil kira untuk **menambahbaik penyampaian perkhidmatan awam** sedia ada.



Turun Padang

PASANG TELINGA, BUKA MATA

Turun Padang adalah pendekatan berkesan untuk mengenal pasti isu-isu dihadapi oleh penjawat awam dan rakyat, dan seterusnya, menyelesaiakannya dengan secepat mungkin.

Penjawat awam perlu **"memasang telinga dan membuka mata"** bagi mengetahui masalah dan keperluan rakyat serta memahami masalah yang dihadapi oleh pegawai dan kumpulan pelaksana di peringkat akar umbi.

Inisiatif **"Jejak Mesra Perkhidmatan Awam"** menyeru penjawat awam **keluar dari pejabat** dan **mendekati rakyat secara pro-aktif** bagi menyelesaikan masalah yang dihadapi dengan membawa perkhidmatan kepada mereka.



16

Musyawarah

PENGLIBATAN, PENERANGAN DAN EKSPEKTASI JELAS

Pendekatan **musyawarah** mengambil kira **pandangan, maklum balas dan penglibatan rakyat** dalam mencorakkan sistem penyampaian perkhidmatan awam.

Sebelum memperkenalkan sesuatu inisiatif baharu, penjawat awam perlu mengadakan musyawarah dengan pelanggan melalui pendekatan "**proses saksama**" agar **ekspektasi pelanggan difahami** terlebih dahulu.

Melalui tiga elemen proses saksama iaitu **penglibatan (engagement), penerangan (explanation)** dan **jelas terhadap ekspektasi (expectation clarity)**, musyawarah akan memudahkan dan mempercepatkan interaksi antara kerajaan dan rakyat.

17



TIGA ELEMEN PROSES SAKSAMA

Penglibatan (Engagement)

Melibatkan individu yang akan mendapat kesan daripada sesuatu keputusan yang dibuat melalui peluang penyiaran input dan perbahasan terhadap idea yang dikemukakan.

Dapat menjamkan pemikiran dan membuat keputusan bersama dengan bijaksana serta meningkatkan tahap komitmen individu yang terlibat.

Penerangan (Explanation)

Memberi kefahaman kepada individu yang akan mendapat kesan daripada keputusan yang dibuat.

Penerangan mengenai idea atau pemikiran di sebalik keputusan yang dibuat akan meyakinkan individu yang terlibat bahawa idea mereka diambil kira dan keputusan yang dibuat adalah demi kepentingan organisasi.

Jelas Terhadap Ekspektasi (Expectation Clarity)

Selepas sesuatu keputusan strategik dilaksanakan, pihak pengurusan perlu menyatakan dengan jelas ekspektasi mereka terhadap pekerja.

Apabila pekerja memahami ekspektasi serta standard yang ditetapkan terhadap mereka, maka keputusan dan strategi yang telah diputuskan dapat dilaksanakan dengan cepat.

Insaniah

KESEIMBANGAN ROHANI DAN JASMANI

Penjawat awam yang cemerlang adalah penjawat awam yang seimbang dari aspek **spiritual** (kekuatan rohani) dan **fizikal** (kekuatan jasmani).

Memahami dan menghayati sifat ihsan akan membantu penjawat awam mewujudkan pekerjaan yang cemerlang dan berkualiti tinggi.

Bekerja atas dasar ini memenuhi tuntutan sebagai umatNya serta keperluan manusia sejagat akan memperkasa jati diri dan meningkatkan kualiti diri seseorang.

Pekerja yang melaksanakan tugas mengikut bidang yang ditetapkan dengan penuh ikhlas, tanggungjawab dan ihsan dijanjikan keberkatanNya.

6 PRINCIPI



Kekitaan

MERAIKAN PERBEZAAN, MENGUKUHKAN PERSAMAAN

Berlandaskan semangat kekitaan atau camaraderie, **semua agensi kerajaan** perlu bergerak sebagai **satu entiti**, **membuang mentaliti silo** dan **berkongsi sumber, pengetahuan serta kepakaran** dalam menjayakan agenda transformasi negara.

Perbezaan generasi, etnik, budaya dan kepercayaan seharusnya tidak dijadikan sebagai penghalang tetapi sebagai sumber kekuatan inspirasi di dalam menerajui perkhidmatan awam yang bersatu.

Justeru, konsep "**Meraikan Perbezaan, Mengukuhkan Persamaan**" perlu dihayati sepenuhnya dalam usaha melonjakkan perkhidmatan awam ke tahap yang lebih cemerlang.



Kerjasama Awam - Swasta - NGO

PERKONGSIAN SUMBER DAN KESEPAKATAN

Perkhidmatan awam perlu meningkatkan **kerjasama strategik** dengan pihak **swasta** dan **badan-badan bukan kerajaan (NGO)** untuk meningkatkan sistem penyampaian perkhidmatan awam.

Kerjasama pintar antara Kerajaan dan swasta / NGO adalah penting dalam **menjayakan projek** dan **program** demi **kesejahteraan rakyat**.

Semangat kesepakatan dan komitmen dalam perkongsian sumber dan pengetahuan secara sinergi, dapat memacu dan menjadi **pemangkin pembangunan negara**.



24

Perkhidmatan Awam Unggul ke Arah Merealisasikan Wawasan 2020

Pelan Transformasi Kerajaan adalah satu perencanaan halatuju untuk mencapai wawasan 2020, merangkumi skop yang meluas bagi setiap kementerian dan agensi. Perkhidmatan awam yang berkesan merupakan pembolehutama yang menentukan kejayaan pelan ini.

Menjadi penjawat awam yang berkualiti adalah satu amanah dan tanggungjawab manakala kedudukan memimpin pula adalah menentukan halatuju.

Sehubungan itu, setiap penjawat awam mempunyai peranan yang berbeza dalam meningkatkan kualiti serta membudayakan konsep "Merakyatkan Perkhidmatan Awam".

Kesannya adalah pembangunan yang lebih cemerlang seterusnya mencapai status negara maju berpendapatan tinggi menjelang tahun 2020.

25

Pelan Tindakan
ke Arah

Kecemerlangan & Kesejahteraan

PERKHIDMATAN YANG UNGGUL



Merakyatkan Perkhidmatan Awam

Keterbukaan

Turun
Padang

Musyawarah

Insaniah

Kekitaan

Kerjasama
Awam -
Swasta - NGO



MINDA TERBUKA,
MUDAH DIDEKATI

PASANG
TELINGA,
BUKA MATA

PENGLIBATAN,
PENERANGAN
& EKSPEKTASI
JELAS

KESEIMBANGAN
ROHANI &
JASMANI

MERAIKAN
PERBEZAAN
MENGUKUHKAN
PERSAMAAN

PERKONGSIAN
SUMBER &
KESEPAKATAN

Pejabat Ketua Setiausaha Negara
Aras 4, Blok Timur
Bangunan Perdana Putra
Pusat Pentadbiran Kerajaan Persekutuan
62502 Putrajaya

Tel: +603 8888 1480
Faks: +603 8888 3382



facebook: **Dr Ali Hamsa**



twitter: **alihamsa55**



MAMPU

PEJABAT KETUA SETIAUSAHA NEGARA
www.pmo.gov.my/ksn
www.mampu.gov.my

